

1124 apparebat, Tyrios ea spe confirmatos longe obstinatius sua mœnia defensuros: &, quod magis periculosem erat, cura animum incescerat, ne inviti etiam cum potentissimo hoste cogerentur acie dimicare. Commenti itaque dicuntur rem non ineptam, ut subdititiæ literæ pro Damascenis columba pedibus nepterentur, quibus Tyriis significabatur, non esse cur a Dachine auxilium ullum diutius sperarent: prudenter eos proinde facturos, quando in eo loco res essent, ut deditio omnino fieri oporteret, si tempori, cuius ratio in primis habenda esset, cessissent, sibique & fortunis suis matura deditio consulerent. His literis, quia columba ubi pri-
 mum dimissa est, in urbem venit, publice recitatis, victa Tyriorum pertinacia, quinto obsidionis mense deditio facta est. Scio ego non defuturos, qui pro fabula sint hæc, quæ de columba scripsimus, audituri: alienum rati a natura, atque propterea valde procul a fide, volucrem ullam in remotissimas terras deportatam in pristinos nidos perpetuo volatu redire. Sed ita sane res se habet: quod ipsum experientia quoque est sæpe cognitum; nam & veteres Romanos avibus ad hoc ipsum usos, multorum testimonio constat. Plinius columbam ait Mutinensi obsidione literas in castra attulisse: Fabium Romanorum in alium scriptorem, & Cecinnam Volaterranum, dinibus quandoque ad id usos reperio. Sed conc̄ illū, illud non minus mirandum, quod vehementi clare subito sublato, aves superne volantes concidant: quā Isthmiorum, ut sæpe alias, conventu, quum Græcia antiqua libertas T. Flamini auspiciis restituta est, accidisse memoriarē quidam prodiderunt. Plutarchus, homo excellentis doctrinæ, causam illius violenti casus esse existimavit, aeris scissionem: quod quum vox permagna editur, aer vi disjunctus nullam volantibus relinquat firmatatem: sed quum idcirco lubricus factus sit, aves perinde ac ad inane pervenerint, delabantur: aut certe clamoris istu, tanquam sagitta quadam, sauciæ aves concidant. Potest, quod idem auctor affirmat, esse quidam aeris velut pelagi vortex, qui aves ipsas violento quodam turbine actas ad terram deprimat. Igitur deditio a Tyriis facta, in turribus & locis emi-

Deditio
Tyri.

nem.